

## **POTICAJI**

Ministarstvo Privrede SBK predlaže, a Vlada SBK donosi Odluku o usvajanju programa utroška sredstava sa kriterijima raspodjele sredstava sa pozicije „Transfer za poticaj privredi“ utvrđenog Budžetom Srednjobosanskog kantona Ministarstvu privrede SBK.

Nakon donošenja Odluke, Ministarstvo privrede SBK u dva dnevna lista objavljuje Javni natječaj za odabir korisnika sredstava „Poticaj Privredi“ za sljedeće LOT-ove:

**LOT 1. Izgradnja poduzetničke infrastrukture**

**LOT 2. Poticaj za obrt (opstanak i razvoj tradicionalnih-starih zanata),**

**LOT 3 Poticaj turističko-ugostiteljskoj djelatnosti,**

**LOT 4 Poticaj za opstanak i rast subjekata velike privrede,**

**LOT 5 Poticaj za opstanak i rast subjekata male i srednje privrede,**

**LOT 6 Izgradnja inovativne privrede (inovacije, uvođenje ISO standarda, osiguranje CE znaka, transfer znanja i tehnologija),**

**LOT 7 Neposredna sredstva za projekte i programe značajne za Srednjobosanski kanton, te sredstva rezerve,**

Po raspisanom konkursu za dodjelu sredstava aplicira različit broj subjekata /pravna i fizička lica.

Stručna komisija za odabir korisnika sredstava Ministarstva privrede SBK, primjenjujući kriterije definisane Odlukom o usvajanju programa utroška sredstava i Javnim konkursom, vrši ocjenu dostavljenih programa-projekata, nakon čega Ministarstvo privrede SBK predlaže a Vlada SBK svake godine donosi Odluku o raspodjeli sredstava sa pozicije „Transfer za poticaj privredi“ Ministarstva privrede SBK.

Odluke o usvajanju programa utroška sredstava sa kriterijima raspodjele sredstava sa pozicije „Transfer za poticaj privredi“ kao i Odluke o raspodjeli sredstava sa pozicije „Transfer za poticaj privredi“ Ministarstva privrede SBK za svaku godinu radi transparentnosti objavljuju se u „Službenim novinama SBK“ gdje su navedeni svi subjekti kojima su dodjeljena sredstva kao i iznos tih sredstava.

**LOT 1. Izgradnja poduzetničke infrastrukture**

### **Ciljevi projekta:**

Poticanje lokalne uprave za donošenjem prostornih planova i uvrštavanje poduzetničkih, specijaliziranih i industrijskih zona u isti; poticanje izgradnje poduzetničkih zona kako bi se prostor Srednjobosanskog kantona učinio konkurentnim za strana i domaća ulaganja (u poduzetništvo) u odnosu na zemlje

okruženja, izrada projekata i druge strateško-planske dokumentacije za zone i opremanje postojećih poduzetničkih zona, ravnomjerniji regionalni razvoj.

**Kriteriji za izbor projekta:**

Kvaliteta ponuđenog projekta; iskazan poduzetnički interes; osiguranje veće uposlenosti; namjena poduzetničke zone ( proizvodno-prerađivački privredni subjekti, tehnološko-razvojno inovacioni centri, logističko-distributivni centri) ; poduzetnički potencijal; mogućnost eventualnog proširenja poduzetničke zone; stanje infrastrukture do zone; dinamika izgradnje infrastrukture unutar zona i načini i izvori finansiranja.

**Korisnici sredstava:**

Općine; gradovi; institucije poduzetničke infrastrukture kao pravne osobe; poduzetnici-vlasnici subjekata male privrede i poduzetnička udruženja koja imaju odluke jedinica lokalne uprave o izgradnji poduzetničke infrastrukture.

**LOT 2. Poticaj za obrt  
(opstanak i razvoj tradicionalnih-starih zanata)**

**Ciljevi projekta:**

Očuvanje obrtničke tradicije i kulturnog i historijskog naslijeđa podsticanje tradicionalnih i starih obrtničkih djelatnosti kroz sufinansiranje troškova: provedbe poslovnog plana, nabavke alata, i uvođenja novih tehnoloških postupaka, poboljšanje uslova rada u radionici, edukacije i stručnog osposobljavanja zaposlenih i izradu reklamnog materijala.

**Kriterij za izbor projekta:**

Kvalitet ponuđenog investicijskog projekta (poslovnog plana), vrsta djelatnosti (proizvodna ili uslužna proizvodna), starost obrta, autohtoni proizvod tradicionalnog ili starog obrta, ostvarena priznanja na sajmovima i izložbama, doprinos očuvanju kulturnog i povijesnog naslijeđa.

**Korisnici sredstava:**

Obrtnici koji obavljaju obrtničku djelatnost u skladu sa Uredbom o zaštiti tradicionalnih i starih zanata („Službene novine Federacije BiH“, broj 66/09) i posluju najmanje 12 mjeseci.

**LOT 3. Poticaj turističko- ugostiteljskoj djelatnosti**

**Ciljevi projekta:**

Povećanje turističko-ugostiteljskih sadržaja i ponude; povećanje zaposlenosti; razvoj porodičnog i ruralnog turizma; novi smještajni kapaciteti; razvijanje zimskog turizma i povećanje sigurnosti turista;

**Kriterij za izbor korisnika:**

Kvalitet i kompletnost projekta-finansijski plan; stepen samofinansiranja; osiguranje samofinansiranja iz drugih izvora; povećanje zaposlenosti; proširenje turističke ponude; ravnomjeran regionalni razvoj; očekivani učinci

**Korisnici sredstava:**

Pravna i fizička lica registrovana za obavljanje djelatnosti iz oblasti turizma i ugostiteljstva.

**LOT 4. Poticaj za opstanak i rast subjekata velike privrede****Ciljevi projekta:**

Razvoj i afirmacija velike privrede (privredna društva koja zapošljavaju više od 100 radnika), zadržavanje postojećeg broja radnika i povećanje zaposlenosti, poticanje djelatnosti koje ne zagađuju okoliš, bolje korištenje resursa SBK, ravnomjerniji regionalni razvoj.

**Kriterij za izbor projekta:**

Ukupan broj zaposlenih, povećanje broja zaposlenih, izvozno orijentisani privredni subjekti, osiguranje sredstava samofinansiranja, osiguranje sredstava iz drugih izvora, kvalitet projekta.

**Korisnici sredstava:**

Pravna lica-subjekti velike privrede svih područja djelatnosti, koji zapošljavaju više od 100 radnika.

**LOT 5. Izgradnja inovativne privrede (inovacije, uvođenje ISO standarda, osiguranje CE znaka, transfer znanja i tehnologija)****Ciljevi projekta su:**

Izgradnja inovativne privrede; povećanje broja subjekata male privrede zasnovanih na znanju; dovođenje inovacije do proizvoda; uvođenje ISO standarda; postavljanje CE znaka za proizvode iz Srednjobosanskog kantona; podsticanje transfera znanja i tehnologija.

**Kriteriji za izbor projekta:**

Kvalitet ponuđenog projekta; stepen uvođenja sistema; veličina ciljne skupine; povećanje zaposlenosti; vrijednost izvoza; stepen samofinansiranja ili finansiranja iz drugih izvora.

**Korisnici sredstava:**

Subjekti male privrede i obrtnici, organizacije registrovane za uvođenje standarda, udruženja poduzetnika, pravna lica, državljani BiH čija je registracija odnosno prebivalište u Srednjobosanskom kantonu.

## **LOT 6. Neposredna sredstva za projekte i programe značajne za Srednjobosanski kanton, te sredstva rezerve**

### **Ciljevi projekta su:**

Poticanje promocije privrede Srednjobosanskog kantona, podrška privrednim subjektima za odlazak i učešće na sajmovima privrede u zemlji i inostranstvu, poticanje izrade projekata, učešća na manifestacijama, te izradama studija značajnih za Srednjobosanski kanton, učešće u saniranju troškova subjektima koji su pretrpjeli štete nastale usljed elementarnih nepogoda, te poticaj za rad nadzornih odbora koje imenuje Vlada Srednjobosanskog kantona.

### **Kriteriji za izbor projekta:**

Kvalitet ponuđenog projekta, ravnomjerniji razvoj Srednjobosanskog kantona

### **Korisnici sredstava:**

Svi korisnici u kategorijama od 1-5 ovog Programa, te preduzeća u kojima obaveze vlasnika državnog kapitala ima Vlada srednjobosanskog kantona.